

Խաղեազ բարձր լինելուն արմտիք լաւ չաճիր, տեղ տեղ կը տեսնուին ցորեանի և գարիի արտօրայք:

Եազլի-դաշ ասուած մեծ ժայռի մի վերայ փոքրագրուած այն նշանաւոր սեպագրութիւնը որ Խալեազի յարեմուտս կընկնի:

Տէլի-Բաբայէն ի Խնուս գնալու համար նախ պիտի մտնենք Գարա-Տէրպէնտ, ուստի Կարպուլասի մարզերով Եազլի-դաշ, ուստի Խալեազի միջով Գուռնակօզ գիւղն, ուստի Գարա-եազու, ուստի Սպիտակ լեռներով ի Խնուս:

Խալեազի հարաւային կողմն է Մէարգամիր (Բագաւորական մարզեր) կոչուած լեռն, որոյ գագաթն ընդարձակ տափարակ կայ, ուր ամրան կը զետեղուին հարիւրաւոր քրդ. վրանաբնակներ:

Խալեազի մէջ կան հին բերդեր, եկեղեցիներու և վանքերու աւերակներ նաև հայկական գերեզմանատուններ:

Հնութեան հետքեր ամեն ուրեք կը տեսնուին, որպէս Բագրեանդայ միւս մասերուն մէջ, վերջին ուսութուրքական պատերազմի մէկ ընդհարումն այս տեղ Ջիլուայ կետուկին վերայ տեղի ունեցաւ, ուր մեծ կոտորած եղաւ:

Ալ-պազայ, և ձիհան բէկի ջրերն կիջնան Մէարգամիր լեռան արեւմտեան երեսէն. Կէօզէլ-Տէրէէն՝ և Խալեազի արեւմտեան սարերէն, որք Բէօլիւք պաշտի առջև միանալով կուղղուի յարեւելս մինչև Սարէ, ուր ևս Մէարգամիրի ջրերն ընդունելով կառաջանայ դէպի Ապուզէթ աջ և ձախ թողլով տասն և եօթ գիւղօրայք, անհաշիւ մարգագետիններ, որք մեծաւ մասամբ բռնած են ջրոյն հարաւային լեռնահովիտներն, ուր նաև կը զետեղուին բազմաթիւ վրանաբնակներ: